

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 12 NOVEMBER 2013, PUKUL 10.00 PAGI

Bil. 37

PERTANYAAN-PERTANYAAN BAGI JAWAB LISAN

1. PR-1313-L57963
Dato' Wira Mohd Johari bin Baharom [Kubang Pasu] minta **MENTERI PENDIDIKAN** menyatakan apakah langkah-langkah yang diambil oleh Kementerian dalam mengurangkan bebanan para guru dalam kerja-kerja perkeranian, sebagai contohnya sistem APDM (Aplikasi Pengkalan Data Murid) yang memerlukan para guru mengisi maklumat-maklumat murid.
2. PR-1313-L57128
Dato' Takiyuddin bin Hassan [Kota Bharu] minta **MENTERI PERUSAHAAN PERLADANGAN DAN KOMODITI** menyatakan adakah Kementerian melalui Lembaga Kenaf dan Tembakau Negara (LKTN) sudah mempunyai suatu pelan induk (*master plan*) yang komprehensif untuk merancang supaya tanaman kenaf benar-benar menjadi gantian kepada tanaman tembakau, termasuk mengambil kira pendapatan petani-petani terlibat agar tidak terjejas.
3. PR-1313-L57587
Puan Hajah Normala binti Abdul Samad [Pasir Gudang] minta **PERDANA MENTERI** menyatakan adakah pihak Kementerian bercadang menambah bilangan Rumah Mampu Milik yang akan dibina menerusi Perumahan Rakyat 1Malaysia (PR1MA) memandangkan pihak Kementerian telah menerima 250,000 permohonan pada fasa pertama, sedangkan jumlah yang dicadangkan adalah 500,000 unit rumah sehingga ke tahun 2018.
4. PR-1313-L58783
Puan Hajah Fuziah binti Salleh [Kuantan] minta **MENTERI KERJA RAYA** menyatakan sebab-sebab motosikal berkuasa tinggi tidak perlu membayar tol walaupun mempunyai CC yang besar dan adakalanya setaraf dengan sebuah kereta.

5. PR-1313-L58830
Datuk Koh Nai Kwong [Alor Gajah] minta **MENTERI PEMBANGUNAN WANITA, KELUARGA DAN MASYARAKAT** menyatakan bahawa dapati kira-kira 636,000 warga emas di Malaysia tidak diberi nafkah oleh anak mereka pada masa kini, apa puncanya dan langkah-langkah yang perlu diambil oleh Kerajaan.
6. PR-1313-L58319
Tuan Wong Sze Phin @ Jimmy [Kota Kinabalu] minta **MENTERI TENAGA, TEKNOLOGI HIJAU DAN AIR** menyatakan langkah-langkah Kerajaan jangka pendek dan panjang untuk menyelesaikan kekurangan dan gangguan elektrik di seluruh Sabah. Adakah Kerajaan berhasrat untuk meminta Petronas untuk memberikan subsidi yang cukup untuk kurangkan beban SESB membeli gas asli yang terhasil di Sabah bukannya membawa balik cadangan kilang Penjana kuasa Arang Batu.
7. PR-1313-L58070
Dr. Mansor bin Abd Rahman [Sik] minta **MENTERI KEMAJUAN LUAR BANDAR DAN WILAYAH** menyatakan apakah dasar dan perancangan Kementerian untuk membangunkan pekan kecil seperti Pekan Sik dan persekitarannya dengan menyediakan kemudahan dan infrastruktur yang lengkap dan sempurna bagi menarik minat orang luar untuk datang ke daerah seperti daerah Sik.
8. PR-1313-L59084
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan mekanisme yang diaplikasikan untuk menyeragamkan piawaian penilaian guru-guru dalam Sistem Pentaksiran Berasaskan Sekolah.
9. PR-1313-L57625
Datuk Aaron Ago anak Dagang [Kanowit] minta **MENTERI KESIHATAN** menyatakan sama ada Kementerian ada perancangan dan dasar supaya semua rakyat di Malaysia terutamanya yang miskin dan tidak ada "health insurances" diwajibkan untuk diberi perlindungan insurans oleh Kerajaan untuk rawatan khusus (*specialised treatment*) di hospital swasta.
10. PR-1313-L57326
Tuan William Leong Jee Keen [Selayang] minta **MENTERI SUMBER ASLI DAN ALAM SEKITAR** menyatakan status perniagaan dalam binatang liar dan langkah-langkah yang diambil untuk mengawalinya.
11. PR-1313-L58244
Dr. Noor Azmi bin Ghazali [Bagan Serai] minta **PERDANA MENTERI** menyatakan berapa banyakkah kemalangan di Malaysia melibatkan bas ekspres 2 tingkat dan perlukah pemandu bas menjalani pemeriksaan kesihatan menyeluruh setiap tahun untuk memastikan beliau cukup sihat untuk memandu bas ekspres.

12. PR-1313-L58617
Dato' Dr. Mujahid Yusof Rawa [Parit Buntar] minta **MENTERI SUMBER MANUSIA** menyatakan pencapaian dan usaha setakat ini bagi memenuhi keperluan buruh berkemahiran tinggi dalam pasaran kerja.
13. PR-1313-L58793
Tuan Liang Teck Meng [Simpang Renggam] minta **MENTERI PENDIDIKAN** menyatakan apakah benar taraf Bahasa Inggeris bagi Malaysia adalah pada taraf tinggi iaitu di tempat kedua selepas Singapura dalam rantau Asia dan apakah taraf Bahasa Cina bagi kaum Cina di Malaysia.
14. PR-1313-L58651
Puan Teo Nie Ching [Kulai] minta **MENTERI PENDIDIKAN** menyatakan jumlah graduan DPLI GSTT yang belum ditempatkan di mana-mana sekolah dan jumlah jawatan kosong di sekolah yang belum diisikan.
15. PR-1313-L58189
Dato' Seri Tiong King Sing [Bintulu] minta **MENTERI BELIA DAN SUKAN** menyatakan :-
 - (a) adakah pihak Kementerian menyediakan peruntukan pengurusan dan pembangunan bagi sukan-sukan utama yang dipertandingkan setiap tahun; dan
 - (b) jika ada, berapakah jumlah peruntukan pengurusan dan pembangunan yang telah diberikan kepada tiap-tiap sukan semenjak tahun 2010 hingga kini.
16. PR-1313-L57886
Tuan Charles Anthony Santiago [Klang] minta **PERDANA MENTERI** menyatakan sebab pihak SPR tidak lagi membekal Rang DPT dalam bentuk "database" iaitu dalam bentuk "Access", sejak Mei 2013.
17. PR-1313-L59048
Dato' Abdul Manan bin Ismail [Paya Besar] minta **PERDANA MENTERI** menyatakan setakat mana kejayaan telah dicapai oleh Majlis Penasihat Sains & Inovasi Global (GSIAC) yang ditubuhkan bertujuan mentransformasi Malaysia menjadi Negara berpendapatan tinggi dengan mempertingkatkan keupayaan Negara dalam bidang sains dan inovasi.
18. PR-1313-L57191
Dr. Che Rosli bin Che Mat [Hulu Langat] minta **MENTERI SUMBER MANUSIA** menyatakan :-
 - (a) bilangan Institut Latihan Perindustrian (ILP) yang ada di negara ini dan apakah bidang-bidang kemahiran yang ditawarkan; dan

- (b) sejauh mana peluang para pelajar ini melanjutkan pelajaran ke peringkat yang lebih tinggi.

19. PR-1313-L58870

Datuk Johari bin Abdul Ghani [Titiwangsa] minta **MENTERI PENDIDIKAN** menyatakan :-

- (a) langkah strategik dalam mengatasi masalah kekurangan kemudahan kediaman pelajar Institusi Pengajian Tinggi Awam (IPTA) yang dijangka meruncing menjelang tahun 2020 dengan unjuran pertambahan sejuta pelajar baru; dan
- (b) sejauh mana Pelan Strategik Pengajian Tinggi Negara yang menggariskan sasaran 70 peratus pelajar menetap di kolej kediaman dan hanya 30 peratus menyewa rumah di luar kampus telah dilaksanakan pada setiap IPTA di negara ini.

20. PR-1313-L58673

Tuan Ignatius Dorell Leiking [Penampang] minta **MENTERI LUAR NEGERI** menyatakan apakah pelan dan rancangan Kerajaan Persekutuan ke atas tuntutan Kerajaan Filipina terhadap hak kedaulatan Sabah.

21. PR-1313-L57341

Tuan William @ Nyallau anak Badak [Lubok Antu] minta **MENTERI KESIHATAN** menyatakan apakah status rancangan untuk membina Hospital Daerah Lubok Antu di dalam Rancangan Malaysia ke-10 'Rolling Plan' ke-4 seperti mana yang telah dijanjikan oleh YAB Perdana Menteri dan apakah faktor-faktor yang perlu dipertimbangkan oleh pihak Kementerian di dalam menjalankan projek tersebut.

22. PR-1313-L58763

Dr. Mohd Hatta bin Md. Ramli [Kuala Krai] minta **PERDANA MENTERI** menyatakan langkah yang diambil bagi memastikan hubungan antara kaum dipulihkan berikutan beberapa tindakan individu dan NGO yang memainkan isu perkauman.

23. PR-1313-L57384

Datuk Juslie bin Ajirol [Libaran] minta **MENTERI DALAM NEGERI** menyatakan jumlah jenayah indeks yang membabitkan senjata api dilaporkan sejak 2012 hingga 2013 di negeri Sabah termasuklah di Parlimen Libaran.

24. PR-1313-L57516

Dato' Seri Abdul Hadi bin Awang [Marang] minta **MENTERI KEWANGAN** menyatakan apakah usaha-usaha yang telah dilakukan oleh kerajaan termasuklah menggubal dasar-dasar berkaitan dalam memastikan seluruh jentera Kerajaan melaksanakan perbelanjaan berhemah.

25. PR-1313-L58977
Puan Mas Ermieyati binti Samsudin [Masjid Tanah] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) apakah fungsi Skuad Pengguna yang diperkenalkan; dan
 - (b) apakah perbezaan di antara Sukarelawan Pemantau Harga yang diperkenalkan pada tahun 2001 dan Rakan Pengguna pada 2006 dengan Skuad Pengguna ini.
26. PR-1313-L57712
Tuan Seah Leong Peng [Telok Intan] minta **MENTERI PENGANGKUTAN** menyatakan berapakah bayaran ganti rugi atau pampasan yang dibayar kepada ATES Sdn. Bhd. dan Beta Tegap Sdn. Bhd. bagi pengambilalihan pelaksanaan AES oleh Kerajaan.
27. PR-1313-L58596
Datuk Dr. Makin @ Marcus Mojigoh [Putatan] minta **MENTERI KEWANGAN** menyatakan :-
- (a) jenis-jenis aktiviti yang dikenal pasti yang terlibat dalam 'ekonomi hitam' menurut pecahan serta impak kepada ekonomi negara pada keseluruhannya; dan
 - (b) langkah-langkah yang diambil bagi mengatasi masalah ini demi untuk kepentingan dan kemajuan negara.
28. PR-1313-L58026
Tuan Sim Tong Him [Kota Melaka] minta **MENTERI KEWANGAN** menyatakan tentang usaha-usaha yang telah dan sedang diambil oleh Kementerian untuk mengukur kedudukan Ringgit Malaysia di pasaran wang dunia sejak tahun 2010. Apakah punca-punca utama yang melemahkan kedudukan Ringgit Malaysia dan adakah keadaan ini akan mengakibatkan kenaikan harga barangan.
29. PR-1313-L57824
Datuk Nur Jazlan bin Mohamed [Pulau] minta **MENTERI PENDIDIKAN** menyatakan berapa siri rundingan dilakukan dengan "stakeholder" dalam melaksanakan Pelan Pembangunan Pendidikan Malaysia dan nyatakan "*stakeholder*" berkenaan.
30. PR-1313-L58960
Tuan Nik Mohamad Abduh bin Nik Abdul Aziz [Pasir Mas] minta **MENTERI PENDIDIKAN** menyatakan adakah pihak Kementerian berhasrat untuk menganjakkan peperiksaan Sijil Pelajaran Malaysia ke usia yang lebih awal.

31. PR-1313-L57568
Datuk Hajah Norah binti Abd Rahman [Tanjong Manis] minta **MENTERI KESIHATAN** menyatakan sama ada Kementerian dapat menambah mesin dialisis di Hospital Sarikei memandangkan ramai orang yang amat memerlukannya.
32. PR-1313-L58753
Tuan Loke Siew Fook [Seremban] minta **MENTERI KEWANGAN** menyatakan jumlah cukai mengikut pecahan jenis yang dikutip oleh Lembaga Hasil Dalam Negeri di Negeri Sembilan bagi tahun 2010, 2011 dan 2012.
33. PR-1313-L57629
Tuan Gobind Singh Deo [Puchong] minta **MENTERI DALAM NEGERI** menyatakan jumlah balai polis yang bertempat di rumah kedai atau "*shoplot*" dan sama ada Kementerian berhasrat untuk menempatkan balai-balai tersebut di lokasi yang lebih sesuai.
34. PR-1313-L57956
Datuk Wira Haji Ahmad bin Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan langkah yang bakal diambil bagi meletakkan Malaysia dalam kalangan 10 negara paling berdaya saing dunia dalam Laporan Menjalankan Perniagaan 2015 berbanding kedudukan ke-12 tahun 2012 lalu.
35. PR-1313-L59027
Puan Siti Zailah binti Mohd Yusoff [Rantau Panjang] minta **MENTERI PERTAHANAN** menyatakan kadar elaun kepada semua anggota ATM di semua peringkat perjawatan termasuk elaun lebih masa bekerja, elaun rondaan darat, laut dan udara dan apakah perbezaan dengan elaun yang dinikmati oleh anggota PDRM di seluruh negara.
36. PR-1313-L58694
Dr. Ong Kian Ming [Serdang] minta **MENTERI KEWANGAN** menyatakan kenapa Syarikat Brilliance Information diberikan projek Pembangunan Sistem U-Customs untuk Jabatan Kastam dan Eksais Diraja Malaysia yang bernilai RM345 juta yang bukan merupakan tawaran yang terbaik dari segi teknikal ataupun termurah.
37. PR-1313-L58912
Tuan Ahmad Marzuk bin Shaary [Bachok] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah kes-kes Tribunal Tuntutan Pembeli Rumah mengikut kategori kes, syarikat pemaju, nilai kerugian, negeri dan latar belakang mangsa. Apakah usaha Kerajaan dalam mempercepatkan penyelesaian ke sini.

38. PR-1313-L58772
Tuan Julian Tan Kok Ping [Stampin] minta **MENTERI DALAM NEGERI** menyatakan penjelasan terperinci daripada Polis Bukit Aman, kenapakah terdapat begitu banyak senjata serta gari tangan yang hilang seperti yang disebut dalam Laporan Audit Negara. Adakah siasatan telah dijalankan dan apakah akibat siasatan tersebut.
39. PR-1313-L57106
Tuan Ng Wei Aik [Tanjong] minta **PERDANA MENTERI** menyatakan sama ada Kerajaan Persekutuan akan mengikuti jejak langkah Kerajaan Negeri Pulau Pinang sebagai salah satu usaha “Pendamaian Nasional” dengan membenarkan Ahli-Ahli Parlimen Pakatan Rakyat turut berpeluang untuk mengendalikan permohonan peruntukan pembangunan kecil bagi kawasan-kawasan Parlimen masing-masing.
40. PR-1313-L58386
Dato' Dr. Nik Mazian bin Nik Mohamad [Pasir Puteh] minta **MENTERI KEWANGAN** menyatakan usaha-usaha Kerajaan untuk membanteras perjudian dalam semua bentuk. Berapa banyak syarikat yang diberi lesen perjudian dan senarainya.
41. PR-1313-L57440
Dr. Hajah Siti Mariah binti Mahmud [Kota Raja] minta **MENTERI DALAM NEGERI** menyatakan apakah kos-kos yang ditanggung Kerajaan untuk program 6P dan anggaran jumlah pendapatan kasar yang diperoleh syarikat-syarikat pengurus yang melaksanakan pendaftaran pendatang asing.
42. PR-1313-L58774
Tuan Julian Tan Kok Ping [Stampin] minta **MENTERI KEWANGAN** menyatakan jumlah peruntukkan bagi setiap GLC (*Government Link Company*) dari tahun 2002 sehingga Oktober 2013.
43. PR-1313-L57244
Datuk Dr. Haji Abd. Latiff bin Haji Ahmad [Mersing] minta **MENTERI PENGANGKUTAN** menyatakan asas dasar ruang angkasa yang diputuskan oleh Majlis Aeroangkasa Negara:-
- (a) adakah Kementerian berhasrat untuk menyatukan pengurusan ruang udara negara sama seperti penubuhan Suruhanjaya Pengangkutan Darat (SPAD); dan
 - (b) adakah Akta Penerbangan Awam ditambah nilai kerana perkembangan teknologi angkasa yang lebih canggih.

44. PR-1313-L58504
Datuk Ir. Dr. Wee Ka Siong [Ayer Hitam] minta **MENTERI KEWANGAN** menyatakan adakah Kerajaan mempunyai perancangan untuk menggalakkan peniaga Malaysia menggunakan Renminbi menggantikan US Dollar sebagai mata wang perdagangan antarabangsa khususnya nilai dagangan Malaysia-China mencecah RM300 bilion pada tahun ini.
45. PR-1313-L58307
Tuan Idris bin Haji Ahmad [Bukit Gantang] minta **MENTERI DALAM NEGERI** menyatakan apakah punca kumpulan samseng di negara ini tumbuh seperti cendawan sehingga disenaraikan sebanyak 49 kumpulan samseng. Kenapakah pihak polis tidak bertindak lebih awal supaya ia tidak menjadi barah dalam masyarakat.
46. PR-1313-L57409
Tuan Wong Chen [Kelana Jaya] minta **MENTERI KEWANGAN** menyatakan :-
- (a) jumlah yang dibayar oleh pihak Kerajaan kepada syarikat-syarikat perundingan swasta dari tahun 2009-2013; dan
 - (b) adakah Kerajaan bercadang untuk membangunkan kemahiran penyelidikan dan perundingan intra Kerajaan untuk mengelakkan terpaksa mengupah syarikat-syarikat perundingan swasta secara berterusan.
47. PR-1313-L58287
Datuk Jumat bin Idris [Sepanggar] minta **MENTERI PENDIDIKAN** menyatakan bagi memastikan keselamatan para pelajar, dicadangkan agar setiap sekolah di Sabah khususnya di kawasan pedalaman disediakan bas khas untuk kegunaan para pelajar kerana begitu banyak aktiviti luar pelajar dan kebanyakan guru-guru di Sabah terpaksa menggunakan kenderaan sendiri.
48. PR-1313-L57732
Tengku Razaleigh Hamzah [Gua Musang] minta **MENTERI DALAM NEGERI** menyatakan sama ada Kerajaan akan menambah anggota polis untuk mengukuhkan serta menambah keberkesanan kawalan dan penyeliaan keselamatan, selain daripada menambah alat kelengkapan di seluruh negara dan mungkinkah Kerajaan mengharamkan pemilikan semua jenis senjata api oleh mereka yang bukan dalam perkhidmatan keselamatan.
49. PR-1313-L58982
Dato' Sri Azalina binti Dato' Othman Said [Pengerang] minta **MENTERI SUMBER ASLI DAN ALAM SEKITAR** menyatakan apakah pelan jangka panjang Kerajaan untuk menangani masalah jerebu yang seringkali timbul di seluruh negara.

50. PR-1313-L57868
Dato' Othman bin Aziz [Jerlun] minta **MENTERI KEWANGAN** menyatakan apakah Kementerian sedar, caj insurans yang tinggi dikenakan kepada pemilik motosikal, walaupun Kadar Cukai Jalan adalah rendah. Apakah langkah yang diambil bagi memantau dan menguatkuasakan agen syarikat insurans tidak mengenakan kadar yang berlebihan dan membebankan rakyat.
51. PR-1313-L57978
Dato' Haji Abdul Rahman bin Haji Mohamad [Lipis] minta **PERDANA MENTERI** menyatakan :-
- (a) jumlah pasangan perkahwinan umat Islam dengan bukan Islam tanpa menukar agama; dan
 - (b) langkah khusus Kerajaan bagi membendung fenomena perkahwinan umat Islam dengan pasangan bukan Islam tanpa menukar agama daripada terus menular di negara ini kerana ia melibatkan soal akidah selain membuktikan penularan ideologi liberalisme dan pluralisme sedang meracuni pemikiran umat Islam ketika ini.
52. PR-1313-L57815
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlah setinggan dan kumpulan “gelandangan” atau “homeless” terutamanya di bandaraya-bandaraya di Malaysia. Apakah langkah-langkah Kementerian dan isu-isu penempatan ke arah setinggan sifar dan inisiatif awal membantu kumpulan gelandangan ini supaya imej Malaysia terjaga.
53. PR-1313-L57988
Puan Rubiah binti Haji Wang [Kota Samarahan] minta **MENTERI PEMBANGUNAN WANITA, KELUARGA DAN MASYARAKAT** menyatakan berapa peratuskah pencapaian golongan wanita dalam bidang keusahawanan melalui program 1Azam terutamanya golongan wanita luar bandar.
54. PR-1313-L59017
Datuk Zahidi bin Zainul Abidin [Padang Besar] minta **PERDANA MENTERI** menyatakan adakah SPRM membuat pemantauan terhadap syarikat-syarikat swasta tempatan dan multinasional yang mendiskriminasi pembekal dan pengusaha Bumiputera Muslim yang terpaksa memberi sagu hati 'rasuah' kepada para pegawai syarikat-syarikat tersebut untuk peluang berniaga dengan mereka. Perkara ini perlu ditangani dan syarikat-syarikat swasta mesti memberi peluang kepada pengusaha Bumiputera-Islam seperti dihasratkan YAB. Perdana Menteri untuk Memperkasa Ekonomi Bumiputera-Islam.

ATURAN URUSAN MESYUARAT DAN USUL-USUL

1. (D.R. 21/2013) **Rang Undang-undang Perbekalan 2014 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(11 November, 2013)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (11 November, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |

6. (D.R. 18/2013) Rang Undang-undang Pertaruhan Pool (Pindaan) 2013 “
- [Menteri Kewangan]**
7. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “
- [Menteri di Jabatan Perdana Menteri]**
8. (D.R. 10/2013) Rang Undang-undang Kanun Tatacara Jenayah (Pindaan) 2013 “
- [Menteri di Jabatan Perdana Menteri]**
9. (D.R. 12/2013) Rang Undang-undang Keterangan (Pindaan) 2013 “
- [Menteri di Jabatan Perdana Menteri]**
10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “
- [Menteri Pelancongan dan Kebudayaan]**
11. (D.R. 20/2013) Rang Undang-Undang Dadah Berbahaya (Pindaan) 2013 “
- [Menteri Kesihatan]**
12. PR-1313-U58205
Datuk Madius Tangau [Tuaran] akan mencadangkan:-
- "Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar.

Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2013</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.60	Laporan Tahunan dan Penyata Kewangan Majlis Peperiksaan Malaysia Bagi Tahun 2012	12 November 2013
ST.66	Laporan Tahunan dan Penyata Kewangan Suruhanjaya Syarikat (SSM) Malaysia Bagi Tahun 2012	12 November 2013
ST.67	Laporan Tahunan dan Penyata Kewangan Lembaga Kemajuan Wilayah Pulau Pinang (PERDA) Bagi Tahun 2012	12 November 2013
CMD.45	Laporan Tahunan Suruhanjaya Perkhidmatan Pelajaran Malaysia Bagi Tahun 2012	12 November 2013